

Referencoj

Historio

La fenicoj estis la unua ŝtat-nivela socio, kiu vaste uzis kaj disvastigis la semidan alfabeton. La fenica alfabeto estas la plej malnova konfirmita konsonanta alfabeto, aŭ abĝado.^[7] Iĝis norme referenci la skribon kiel "prakanaan" ĝis la meza 11-a jarcento a.k.e., kiam ĝi unue atestiĝas sur bronzaĵoj, kaj kiel "fenican" nur post 1050 a.k.e.^[8] La fenica alfabeto estas vaste opiniata kiel almenaŭ parta praulo de preskaŭ ĉiuj modernaj alfabetoj, precipe se oni akceptas la hipotezon, ke la brahmia skribo deriviĝis de la aramea alfabeto.

El tradicia lingvosciencia vidpunkto, la fenica estis variaĵo de la kanaana lingvaro.^{[1][2]} Tamen, pro la tre etaj lingvaj malsamaĵoj, kaj la nesufiĉaj registroj de la tempo, estas malklare ĉu la fenica formis apartan kaj unuĝintan dialekton aŭ simple estis supraĵe difinita parto de pli vasta lingva kontinuumo. Per sia mara komerco, la fenicoj disvastigis la uzon de la alfabeto al Norda Afriko kaj Eŭropo, kie ĝin adoptis la grekoj. Pli poste, la etruskoj adoptis modifitan version por sia propra uzado, kiun, siavice, modifis kaj adoptis la romianoj kiel latinan alfabeton, sur kiu ankaŭ la Esperanta alfabeto baziĝis.^[9]

Kartaga koloniado disvastigis la fenican al la okcidenta mediteraneo, kie la distingebla punika lingvo evoluis. Ankaŭ la punika formortis, kvankam ĝi vivis pli longe ol la originala fenica, eble ĝis la 5-a aŭ eĉ la 7-a jarcento k.e..

Vortprovizo kaj vortfarado

Substantivoj estis plejparte formataj per kombino de konsonantaj radikoj kaj vokalaj skemoj, sed ili povis ankaŭ esti formataj per la prefiksoj (/m-/), kiu esprimis agojn aŭ iliajn rezultojn; malofte (/t-/), kaj la sufikso /-ūn/. Abstraktoj povis esti formataj per la sufikso **-t** (verŝajne /-īt/, /-ūt/).^[10] Adjektivoj povis esti formataj per la familiara semida *nisba* sufikso /-īj/ y (e.g. **šdny** "cidona").

Kiel la gramatiko, la vortprovizo estis tre proksima al la biblia hebrea, kvankam iuj specialaĵoj estas atentindaj. Ekzemple, la kopula verbo "esti" estis **kn** (kiel en la araba, kontraŭa al la hebrea kaj aramea **hyh**) kaj la verbo *fari* estis **p‘l** (kiel en la aramea **p‘l** kaj araba **f‘l**, kontraŭa al la hebrea **‘sh**).



Distribuo de la fenica lingvo, montrita per flava konturo.



La plej gravaj fenicaj komerc-vojoj kaj urboj en la Mediteranea baseno.

Teksto	Transliterumo
<p> 𐎠𐎫 𐎠𐎡𐎹 𐎧𐎺𐎠 + 𐎠+𐎡𐎹 𐎶𐎵𐎹 + 𐎶𐎵𐎹 + 𐎶𐎵𐎹 𐎵 𐎶𐎵𐎹𐎵 𐎶𐎵𐎹 𐎠𐎫𐎺𐎠 + 𐎠+𐎡𐎹 𐎶𐎵𐎹 𐎠𐎵𐎶𐎵𐎹𐎶𐎵𐎹 𐎵 𐎶𐎵𐎹𐎵 + 𐎵𐎹𐎹 𐎶𐎵𐎹 + 𐎶𐎵𐎹 𐎵𐎹𐎹 𐎶𐎵𐎵𐎹 + 𐎵𐎹𐎹 𐎵𐎹𐎹 + 𐎵𐎹𐎹 𐎵𐎹𐎹 + 𐎵𐎹𐎹 𐎵𐎹𐎹 𐎠𐎶𐎵𐎹 𐎶𐎵𐎹 𐎵𐎹𐎹 𐎶𐎵𐎹 𐎶𐎵𐎹 𐎶𐎵𐎹 𐎶𐎵𐎹 𐎶𐎵𐎹 𐎶𐎵𐎹 𐎵 𐎶𐎵𐎹𐎵 𐎶𐎵𐎹 𐎶𐎵𐎹 + 𐎵𐎹𐎹 𐎶𐎵𐎵𐎹 + 𐎵𐎹𐎹 𐎵𐎹𐎹 + 𐎵𐎹𐎹 𐎵𐎹𐎹 + 𐎵𐎹𐎹 𐎵𐎹𐎹 𐎶𐎵𐎵𐎹 + 𐎵𐎹𐎹 𐎵𐎹𐎹 + 𐎵𐎹𐎹 𐎵𐎹𐎹 + 𐎵𐎹𐎹 𐎵𐎹𐎹 𐎶𐎵𐎹𐎹 + 𐎵𐎹𐎹 𐎵𐎹𐎹 𐎵𐎹𐎹 𐎵𐎹𐎹 𐎵𐎹𐎹 𐎵𐎹𐎹 𐎶𐎵𐎹𐎹 + 𐎵𐎹𐎹 𐎵𐎹𐎹 𐎵𐎹𐎹 𐎵𐎹𐎹 𐎵𐎹𐎹 𐎵𐎹𐎹 </p>	<p> 'nk tbnt khn 'štrt mlk šdnm bn 'šmn 'zr khn 'štrt mlk šdnm škb b'rn z my 't kl 'dm 'š tpq 'yt h'rn z 'l 'l tptḥ 'lty w'l trgn k 'y 'rln ksp 'y 'r ln ḥrṣ wkl mnm mšd blt 'nk škb b'rn z 'l 'l tptḥ 'lty w'l trgn k t'bt 'štrt hdbḥ h' w'm pth tptḥ 'lty wrgz trgn 'l ykn lk zr' bḥym tḥt šmš wmškb 't rp'm </p>
Traduko	
<p> Mi, Tabnit, sacerdoto de <u>Istar</u>, reĝo de <u>Cidono</u>, filo de Ešmunazar, sacerdoto de Istar, reĝo de Cidono, kuŝas en ĉi tiu sarkofago. Kiu ajn vi estas, ĉiu, kiu povas trovi tiun ĉi sarkofagon, ne, ne malfermu ĝin kaj ne maltrankviligu min, ĉar neniu arĝento kolektiĝis kun mi, neniu oro kolektiĝis kun mi, nek io ajn valora, nur mi kuŝas en ĉi tiu sarkofago. Ne, ne malfermu ĝin kaj ne maltrankviligu min, ĉar tio estas abomenindaĵo al Istar. Kaj se vi ja malfermos ĝin kaj ja maltrankviligos min, vi ne havu iun ajn semon inter la vivantoj sub la suno, nek ripozejon kun la <u>Refaidoj</u>. </p>	

Teksto	Rekonstruo (fare de <u>Igor Diakonov</u>) ^[13]
ΛΑΔΟΥΝ ΛΥΒΑΛ ΑΜΟΥΝ ΟΥ ΛΥΡΥΒΑΘΩΝ ΘΙΝΙΘ ΦΑΝΕ ΒΑΛ ΥΣ ΝΑΔΩΡ ΣΩΣΙΠΑΤΙΟΣ ΒΥΝ ΖΟΠΥΡΟΣ ΣΑΜΩ ΚΟΥΛΩ ΒΑΡΑΧΩ	l' dn lb 'l ḥmn wlrbtn tnt pn b 'l 'š ndr S. bn Z. šm ' kl ' brk '
Traduko	
<p>Al la sinjoro <u>Baal Ammono</u> kaj al nia mastrino <u>Tanit</u>, la vizaĝo de Baal, [tiu] kiu konsekris Sosipation, filon de Zopiro. Li aŭdis lian voĉon kaj benis lin.</p>	

Bibliografio

- Lehmann, Reinhard G. (2013). “Wilhelm Gesenius and the Rise of Phoenician Philology (http://www.hebraistik.uni-mainz.de/Dateien/Lehmann_Gesenius-Phoenix_2013.pdf)”, *Beihefte zur Zeitschrift für die alttestamentliche Wissenschaft* **427**, p. 209–266.

Referencoj

1. ↑ ^{1,0} ^{1,1} Glenn Markoe. *Phoenicians*. p108. University of California Press 2000
2. ↑ ^{2,0} ^{2,1} Zellig Sabbettai Harris. *A grammar of the Phoenician language*. p6. 1990
3. ↑ Lehmann 2013, p. 209.
4. ↑ Lipiński, Edward (1995), p.1321-1322
5. ↑ Lehmann 2013.
6. ↑ Lehmann 2013, p. 240.
7. ↑ Fischer, Steven Roger. (2004) *A history of writing*, p. 90.
8. ↑ Markoe, Glenn E., *Phoenicians*. University of California Press. ISBN 0-520-22613-5 (2000) p. 111.
9. ↑ Edward Clodd, *Story of the Alphabet* (Kessinger) 2003:192ff
10. ↑ Лявданский, А.К. 2009. Финикийский язык. Языки мира: семитские языки. Аккадский язык. Северозападносемитские языки. ред. Белова, А.Г. и др. Р.293
11. ↑ Booth, Scott W.. Using corpus linguistics to address some questionings of Phoenician grammar and syntax found in the Kulamuwa inscription (https://web.archive.org/web/20110812194619/http://boothhouse.com/content/Booth_Using_Corpus_Linguistics.pdf), p. 196 (2007). Arkivita el la originalo (http://boothhouse.com/content/Booth_Using_Corpus_Linguistics.pdf) je 12-a de aŭgusto 2011.
12. ↑ Alfabeto fenicio (<http://www.proel.org/index.php?pagina=alfabetos/fenicio>). *Proel (Promotora Española de Lingüística)*. Alirita 5-a de julio 2011.
13. ↑ ^{13,0} ^{13,1} Дьяконов, И. М. (1967) *Языки древней Передней Азии*.

Elŝutita el "https://eo.wikipedia.org/w/index.php?title=Fenica_lingvo&oldid=6849589"

Ĉi tiu paĝo estis lastafoje redaktita je 21:08, 19 jan. 2020.

La teksto disponeblas laŭ la permesilo Krea Komunaĵo Atribuite-Samkondiĉe 3.0 Neadaptita; eble aldonaj kondiĉoj aplikeblas. Vidu la uzkondiĉojn por detaloj.